

易大義 尚書注攷  
讀詩拙言

14  
1475  
2



門  
卷  
1432  
8

道光丁未鑄

易大義

易大義

元和 惠棟 撰

海山僊館叢書

門 1 4  
號 1475  
卷 2

易大義

易大義

元和中

昭和十五年  
十二月二日  
購求

易大義

元和 惠棟 撰

中庸注此仲尼微言也子思傳其家學著為此書非  
明易不能通此書也

天命之謂性注民受天地之中以生天地之中命也民  
受之以生性也率性之謂道修道之謂教注天命之謂  
性中也率性之謂道和也修道之謂教致中和也人有  
三等故曰教即自明誠者也道也者不可須臾離也可  
離非道也注道不可須臾離故至誠無息是故君子戒

易大義

海山仙館叢書

慎乎其所不睹恐懼乎其所不聞莫見乎隱莫顯乎微  
故君子慎其獨也注戒慎恐懼誠之者也隱微始也隱  
必見微必顯故君子慎獨不誠則不能獨也隱必見微  
必顯故云莫見乎隱莫顯乎微猶言誠于中形于外也  
善惡皆然故君子慎其獨也隱微乾初爻也初乾為積  
善慎獨之義不誠則不能獨故終以至誠喜怒哀樂之  
未發謂之中注隱微始也于道為極故未發為中發而  
皆中節謂之和注發而皆中節行之和也故謂之和未  
發為中已發為和合之則一中也故曰中庸中和即天

地之中在人則為情性故文言曰利貞者情性也中也  
者天下之大本也和也者天下之達道也致中和天地  
位焉萬物育焉注致中和即修道之人天地位中也萬  
物育和也既濟定也仲尼曰注稱仲尼者安昌侯張禹  
說曰仲者中也尼者和也言孔子有中和之德故曰仲  
尼此書專論中和故稱表德之字見孝經疏君子中庸  
注庸用也常也用中為常道故曰中庸小人反中庸注  
竝舉君子小人者陰陽之義也乾為積善君子中庸也  
坤為積惡小人反中庸也在爻其初九六三乎又乾五

居二坤二居五亦爲反中庸也君子之中庸也君子而  
時中小人之反中庸也小人而无忌憚也注用中以時  
故曰時中小人不知天命而不畏故无忌憚子曰中庸  
其至矣乎民鮮能久矣注命乎天率乎性中庸之道至  
矣道不可須臾離人罕能久行言離道者多子曰道之  
不行也我知之矣知者過之愚者不及也道之不明也  
我知之矣賢者過之不肖者不及也人莫不飲食也匙  
能知味也注仁者見之謂之仁賢者過之也知者見之  
謂之知知者過之也百姓日用而不知飲食匙能知味

也故曰君子之道鮮矣上云民匙能久矣皆離道之事  
子曰道其不行矣夫注待其人而後行苟非其人道不  
虛行故下舉舜顏淵子曰舜其大知也與舜好問注荀  
子曰不知而問堯舜好問近乎知大舜猶然况愚者愚  
而好問則智智而好問則聖淮南主術曰文王智而好  
問故聖而好察邇言隱惡而揚善注察辨也言出乎身  
從近始隱惡揚善辨之早也乾初爲善坤初爲惡隱惡  
揚善辨之早也坤初爲隱善乾初爲揚善執其兩端注  
鄭氏云兩端過與不及也用其中於民注用其中於民

卽舜之中庸也用其中於民以天地萬物爲坎離也堯  
舜比戶可封成康刑措四十年其皆旣濟之世乎其斯  
以爲舜乎子曰人皆曰予知注不好問驅而內諸罟獲  
陷穽之中注未濟六爻失位故所遇皆罟獲陷穽也而  
莫之知辟也人皆曰予知注不察邇言擇乎中庸而不  
能期月守也注勉能久矣罟獲離也陷穽坎也離上坎  
下爲未濟罟獲陷穽也坎上離下爲旣濟中庸也中庸  
言擇者初乾初坤也不能期月守以小善爲无益而弗  
爲不能積善者也子曰回之爲人也擇乎中庸得一善

注一卽天下之大本一善謂乾初卽復初也復初爲中  
行六四中行獨復謂四獨應初初卽太極極中也周易  
述備言之矣則拳拳服膺而弗失之矣注能久故弗離  
道子曰天下國家可均也爵祿可辭也白刃可蹈也中  
庸不可能也注三者之中庸不可能也素富貴行乎富  
貴素貧賤行乎貧賤素患難行乎患難无入不自得乃  
謂之中庸子路問彊子曰南方之彊與北方之彊與注  
南方離也北方坎也離二居五南方之彊也坎五居二  
北方之彊也此未濟也抑而彊與注君子以自彊不息

自疆卽而疆也寬柔以教不報无道南方之疆也君子  
居之注不及衽金革死而不厭北方之疆也而疆者居  
之注過之故君子和而不流疆哉矯中立而不倚疆哉  
矯國有道不變塞焉疆哉矯國無道至死不變疆哉矯  
注此自疆合乎中和謂既濟也不變貞也貞固足以幹  
事故不變塞焉獨立不懼遯世无悶故至死不變鄭氏  
云塞猶賈也子曰素隱行怪後世有述焉吾弗爲之矣  
注鄭氏云素讀爲攻城攻其所係之僚僚猶嚮也隱字  
承國无道來隱者不成名行怪求名故吾弗爲之君子

遵道而行半途而廢吾弗能已矣注廢讀如道之將廢  
之廢旣以行道而又廢是枉道也聖人自弗能已君子  
依乎中庸注遵道不廢遯世不見知而不悔注素隱不  
行怪唯聖者能之注此乾初九爻義也君子之道費而  
隱注結隱字嫌以遯世爲聖故申之鄭氏云言可隱之  
節也費猶俛也道不費則仕夫婦之愚可以與知焉及  
其至也雖聖人亦有所不知焉夫婦之不肖可以能行  
焉及其至也雖聖人亦有所不能焉注言坎離之道雖  
愚夫愚婦皆知之行之及其至參天地贊化育雖聖人

其猶病諸殷高宗是也若堯舜則優爲之天地之大也  
人猶有所感注天地有陽阨陰阨故人有感堯之水湯  
之旱雖聖人其猶病諸言既濟之難故君子語大天下  
莫能載焉語小天下莫能破焉詩云鳶飛戾天魚躍于  
淵言其上下察也注仰觀頽察君子之道造端乎夫婦  
及其至也察乎天地子曰道不遠人人之爲道而遠人  
不可以爲道注此章言求中之道遠从近始故不遠人  
詩云伐柯伐柯其則不遠執柯以伐柯睨而視之猶以  
爲遠故君子以人治人改而止忠恕違道不遠注忠恕

之道行之盡卽一也故諸已而不願亦勿故於人君子  
之道四出未能一焉所求乎子以事父未能也所求乎  
臣以事君未能也所求乎弟以事兄未能也所求乎朋  
友先故之未能也庸德之行庸言之謹注父子君臣兄  
弟朋友各得其正卽既濟也行之爲庸德言之爲庸言  
中庸之義有所不足不彀不勉有餘不彀盡注企而及  
頽而就以合乎中庸言顧行行顧言注言顧行行顧言  
唯慎獨者能之君子胡不慥慥爾君子素其位而行不  
願乎其外素富貴行乎富貴素貧賤行乎貧賤素夷狄



行乎夷狄素患難行乎患難君子无入而不自得焉注  
鄭氏云素讀皆爲僚所謂六位時成在上位不陵下在  
下位不援上正己而不求于人則无怨上不怨天下不  
尤人故君子居易以俟命小人行險以徼幸子曰射有  
似乎君子失諸正鵠反求諸其身注皆从近始君子之  
道辟如行遠必自邇辟如登高必自卑注易氣从下生  
君子慎所積鄭氏云行之以近者卑者始以漸致之高  
遠康成知道矣詩曰妻子好合如鼓瑟琴兄弟既翕和  
樂且耽宜爾室家樂爾妻孥注即易之六親和合子曰

父母其順矣乎子曰鬼神之爲德其盛矣乎注乾神坤  
鬼鬼神之德自微而顯故盛因鬼神而制禮樂大舜文  
武周公是也禮樂天地之中猶易之二五視之而弗見  
聽之而弗聞體物而不可遺注鄭氏云體猶生也可猶  
所也不有所遺言萬物无不以鬼神之氣生也鄭氏精  
于禮疏于易无不以鬼神之氣生也神可言生鬼不可  
言生此說不通于易若以乾坤言鬼神亦可云坤生廣  
生是也使天下之人齊明盛服以承祭祀洋洋乎如在  
其上如在其左右詩曰神之假思不可度思矧可射思

夫微之顯誠之不可揜如此夫注說文曰誠信也夫微之顯莫顯乎微也不誠則不能獨慎獨者誠也誠則形故不可揜夫微之顯誠者是也知微之顯誠之者是也子曰舜其大孝也與德爲聖人尊爲天子富有四海之內宗廟饗之子孫保之故大德必得其位必得其祿必得其名必得其壽故天之生物必因其材而篤焉注鄭氏云材謂其質性也篤厚也言善者天厚其福惡者天厚其毒皆由其本而爲之故莪者培之傾者覆之注善不積不足以成名惡不積不足以滅身詩曰嘉樂君子

憲憲令德宜民宜人受祿于天保右命之自天申之故大德者必受命注此語爲聖人有德无位而成既濟者發子曰无憂者其惟文王乎以王季爲父以武王爲子父作之子述之武王纘大王王季文王之緒壹戎衣而有天下注鄭氏云衣讀如殷聲之誤也齊人言殷聲如衣虞夏商周氏者多矣今姓有衣者殷之冑與壹戎殷者壹用兵伐殷也康誥曰壹戎殷故鄭讀从之古依字作身从反身殷字从此故讀殷爲身聲如依也呂覽權勳篇云親艷如夏高誘曰艷讀如依今沈州人謂殷氏

皆曰衣身不失天下之顯名尊為天子富有四海之內  
宗廟饗之子孫保之武王末受命周公成文武之德追  
王大王王季上祀先公以天子之禮斯禮也達乎諸侯  
大夫及士庶人父為大夫子為士葬以大夫祭以士父  
為士子為大夫葬以士祭以大夫期之喪達乎大夫三  
年之喪達乎天子父母之喪无貴賤一也子曰武王周  
公其達孝矣乎夫孝者善繼人之志善述人之事者也  
春秋修其祖廟陳其宗器設其裳衣薦其時食宗廟之  
禮所以敘昭穆也敘爵所以辨貴賤也敘事所以辨賢

也旅酬下為上所以還賤也注還本或作逮案說文還  
合也與逮異燕毛所以敘齒也踐其位行其禮奏其樂  
敬其所尊愛其所親事死如事生事亡如事存孝之至  
也郊社之禮所以事上帝也宗廟之禮所以祀乎其先  
也注郊社宗廟謂天神地祇人鬼三才之義明乎郊社  
之禮禘嘗之義注郊圖也之祭社方澤之祭因宗廟而  
及郊社因郊社而及禘嘗禘嘗者大嘗禘也宗廟者明  
堂也明堂配天故因宗廟而及郊社治國其如示諸掌  
乎注鄭氏云示讀如寘諸河干之寘寘置也敘爵辨賢

尊尊親親治國之要敍爵云云是既濟之事哀公問政  
注定禮樂岐政事故次問政子曰文武之政布在方策  
其人存則其政舉其人亡則其政息注易所以重三才  
人道敏政地道敏樹夫政也者蒲盧也故為政在人取  
人以身修身以道修道以仁仁者人也親親為大義者  
宜也尊賢為大親親之殺尊賢之等禮所生也注鄭氏  
云人也讀如相人偶之人以人意相存問之言公食大  
夫禮云賓入三揖注云每曲揖及當碑揖相人偶愚謂  
賓主揖讓互相親偶親親之義亦如之也在下位不獲

乎上民不可得而治矣注鄭氏云此句其屬在下著脫  
誤重在此故君子不可以不修身思修身不可以不事  
親思事親不可以不知人思知人不可以不知天天下  
之達道五所以行之者三曰君臣也父子也夫婦也昆  
弟也朋友之交也五者天下之達道也知仁勇三者天  
下之達德也所以行之者一也注一即天下之大本易  
曰天下之動貞夫一者也謂乾初或生而知之或學而  
知之或困而知之及其知之一也或安而行之或利而  
行之或勉強而行之及其成功一也注此修道之謂教

也得乾之易者生而知之者也得坤之簡者安而行之者也九二升五學而知之者也六五降二利而行之者也六三頻復困而知之者也噬嗑初九屨校滅止勉強而行之者也子曰好問近乎知注問本多作學誤也當作問說苑引中庸曰好問近乎智力行近乎仁知取近乎勇知斯三者則知所以修身知所以修身則知所以治人知所以治人則知所以治天下國家矣凡爲天下國家有九經曰修身也尊賢也親親也敬大臣也體羣臣也子庶民也來百工也柔遠人也懷諸侯也注所以

致既濟之道也體體貌也鄭氏云猶接納也修身則道立尊賢則不惑親親則諸父昆弟不怨敬大臣則不眩體羣臣則士之報禮重子庶民則百姓勸來百工則財用足柔遠人則四方歸之懷諸侯則天下畏之齊明盛服非禮不動所以修身也注荀子修身篇曰齊明而不竭聖人也去讒遠色賤貨而貴德所以勸賢也尊其位重其祿同其好惡所以勸親親也官盛任使所以勸大臣也忠信重祿所以勸士也時使薄斂所以勸百姓也日省月試既稟稱事所以勸百工也注鄭氏云既讀爲

餽案說文古餽字本作氣亦作槩或从既或从食送往  
迎來嘉善而矜不能所以柔遠人也繼絕世舉廢國治  
亂持危朝聘以時厚往而薄來所以懷諸侯也凡爲天  
下國家有九經所以行之者一也注一卽元也乾元用  
九天下治也凡事豫則立不豫則廢言前定則不跲事  
前定則不困行前定則不次道前定則不窮在下位不  
獲乎上民不可得而治矣獲乎上有道不信乎朋友不  
獲乎上矣信乎朋友有道不順乎親不信乎朋友矣順  
乎親有道反諸身不誠不順乎親矣誠身有道不明乎

善不誠乎身矣注明善卽大學之致知格物誠者天之  
道也誠之者人之道也誠者不勉而中不思而得從容  
中道聖人也誠之者擇善而固執之者也博學之審問  
之慎思之明辯之篤行之有弗學學之弗能弗措也有  
弗問問之弗知弗措也有弗思思之弗得弗措也有弗  
辯辯之弗明弗措也有弗行行之弗篤弗措也人一能  
之已百之人十能之已千之果能此道矣雖愚必明雖  
柔必強自誠明謂之性自明誠謂之教誠則明矣明則  
誠矣唯天下至誠爲能盡其性能盡其性則能盡人之

性能盡人之性則能盡物之性能盡物之性則可以贊  
天地之化育注自盡性以至贊化育皆既濟之事可以  
贊天地之化育則可以與天地參矣注此易所以有三  
才太極含三爲一三才備太極之初盡性初也元也至  
贊化育則四德備矣易有三才故至誠與天地參贊化  
育則既濟也處戲神農黃帝堯舜禹湯文武周公孔子  
十一聖足以當之高宗中興勿用小人故在九三之位  
其次致曲注鄭氏云其次謂自明誠者也曲卽隱微致  
曲卽慎獨也曲能有誠誠則形形則著著則明明則動

注動讀如學記動衆之動動則變變則化唯天下至誠  
爲能化注此致曲之至誠所謂及其知之一及其成功  
一也至誠之道可以前知國家將興必有禎祥國家將  
亡必有禡孽見乎蓍龜動乎四體禍福將至善必先知  
之不善必先知之故至誠如神注此言自誠明也前知  
先心也易曰聖人以此先心誠者自成也而道自道也  
誠者物之終始不誠无物是故君子誠之爲貴誠者非  
自成已而已也所以成物也成已仁也成物知也性之  
德也合外內之道也注鄭氏云外內猶上下易卦以上

爲外下爲內合外內之道故可以配天地故時措之宜也注時措卽時中時措之宜卽和也故至誠无息不息則久注民尠能久久在不息不息者積之效也久則微微則悠遠悠遠則博厚博厚則高明博厚所以載物也高明所以覆物也悠久所以成物也博厚配地高明配天悠久无疆如此者不見而章不動而變无爲而成天地之道可一言而盡也其爲物不貳則其生物不測注不貳一也荀子儒效篇曰并一而不貳所以爲積也以注下言積與易理同天地之道博也厚也高也明也悠也

久也今夫天斯昭昭之多及其无窮也日月星辰繫焉萬物覆焉今夫地一撮土之多及其廣厚載華嶽而不重振河海而不滌萬物載焉今夫山一卷石之多及其廣大艸木生之禽獸居之寶藏興焉今夫水一勺之多及其不測鼃鼃蛟龍魚鼈生焉貨財殖焉注鄭氏云此言天之高明本生昭昭地之博厚本由撮土山之廣大本起卷石水之不測本從一勺皆合少成多自小致大爲至誠者以如此乎詩曰維天之命於穆不已蓋曰天之所以爲天也於乎不顯文王之德之純蓋曰文王之



所以爲文也純亦不已注鄭氏云天所以爲天文王所以爲文皆由行之无已爲之不止如天地山川之云也易曰君子以順德積小以成高大是與大哉聖人之道洋洋乎發育萬物峻極于天注天德優優大哉禮儀三百威儀三千注王道待其人然後行故曰苟不至德至道不冰焉注聖人之道卽中庸也其道可以育萬物實本天地之中也民受之以生於是有動作禮義威儀之則故曰禮儀三百威儀三千至德以冰至道謂定命也此下言定命之事故君子尊德性而道問學致廣大而

盡精微極高明而道中庸温故而知新惇厚以崇禮是故居上不驕注九五爲下不倍注六二國有道其言足以興國无道其默足以容注有道泰也无道否也詩曰旣明且嘉以保其身其此之謂與子曰愚而好自用注初六賤而好自專注九二初六陰不正九二陽不正皆愚賤之類生乎今之世反古之道如此者裁及其身者也非天子不議禮不制度不攷文今天下車同軌書同文行同倫雖有其位苟无其德不敢作禮樂焉雖有其德苟无其位亦不敢作禮樂焉注鄭氏云言作禮樂者

必聖人在天子之位六居五是有位而无德也九居二是有德而无位也乾二居坤五是聖人在天子之位也故文言曰龍德而正中者也有聖人之德然後居天子之位故五帝官天下子曰吾說夏禮杞不足徵也吾學殷禮有宋存焉吾學周禮今用之吾从周注夏殷猶易之上六周乃九五也王天下有三重焉其寡過矣乎注鄭氏云三重三王之禮聖人之道首贊化育其次寡過乾六爻二四上不正坤六爻五三初不正故王天下以寡過爲先六爻皆正成既濟定矣上焉者雖善无徵无

徵不信不信民弗從下焉者雖善不尊不尊不信不信民弗從注上謂五下謂二故君子之道本諸身徵諸庶民攷諸三王而不繆注三王皆既濟之王建諸天地而不悖注天地二五質諸鬼神而无疑注乾神坤鬼百世以俟聖人而不惑注百世以後既濟之聖人質諸鬼神而无疑知天也百世以俟聖人而不惑知人也注鄭氏云鬼神从天地者也易曰故知鬼神之情狀與天地相似聖人則之百世同道是故君子動而世爲天下道行而世爲天下法言而世爲天下則遠之則有望近之則

不厭詩曰在彼无惡在此无歟庶幾夙夜以永終譽君子未有不如此而蚤有譽於天下者也仲尼祖述堯舜憲章文武上律天時下襲水土注此言孔子之既濟故再稱仲尼仲尼卽至誠也論定六經立天下之大本知天地之化育變屯難爲既濟所謂世道世法世則百世以俟聖人而不惑者也辟如天地之无不持載无不覆幬辟如四時之遣行如日月之代明萬物竝育而不相害道竝行而不相悖小德川流大德惇化此天地之所以爲大也注此仲尼之既濟鄭氏云聖人制作其德配

天地小德川流謂百家大德惇化謂聖人唯天下至聖注至聖謂堯舜文武爲能聰明叡知足以有臨也寬裕溫柔足以有容也發彊剛毅足以有執也齊莊中正足以有敬也文理密察足以有別也溥博淵泉而時出之注時中時措時出皆中庸之義溥博如天淵泉如淵見而民莫不敬言而民莫不信行而民莫不說是以聲名洋溢乎中國迤及蠻貊舟車所至人力所通天之所覆地之所載日月所照霜露所隊凡有血氣者莫不尊親故曰配天注既濟之世唯天下至誠注至誠謂仲尼爲

能經綸天下之大經立天下之大本知天地之化育注  
大經六經也大本謂中化育謂和變屯難爲既濟易屯  
元亨利貞謂既濟也象曰雲雷屯君子以經綸所謂經  
綸天下之大經也唯天下至誠爲能者自誠明也曰立  
曰知蓋有其德而无其事也夫焉有所倚注无所倚中  
也鄭氏云安有所倚言无所偏倚也无所偏倚謂中庸  
也肫肫其仁注鄭氏云肫肫讀如誨爾肫肫之肫淵淵  
其淵浩浩其天注廣正淵淵深也淵淵浩浩與天地合  
德也苟不固聰明聖知達天德者注此天德與易位乎

天德同謂堯舜文武也其孰能知之注鄭氏云言唯聖  
人乃能知聖人也春秋傳曰未不亦樂乎堯舜之知君  
子明凡人不知也堯舜文武之既濟人知之仲尼之既  
濟人不知之亦必有聖人如堯舜文武而後知之也世  
无聰明聖知達天德之人故夫子雖有大德而不受命  
也詩曰衣錦尙綱惡其文之著也故君子之道闇然而  
日章小人之道的然而日亡君子之道淡而不厭簡而  
文溫而理知遠之近知風之自知微之顯可與入德矣  
注鄭氏云三知者皆言其睹末察本探端知緒也詩云

潛雖伏矣亦孔之昭故君子內省不疚无惡于志注鄭氏云孔甚也昭明也言聖人雖隱遯其德亦甚明矣疚病也君子自省身无愆病雖不遇世亦无損害于己志覆說乾初爻下文乃明乾元用九之義君子所不可及者其唯人之所不見乎詩云相在爾室尙不愧于屋漏注敬信勸威皆不可及之事慎獨之效也故君子不動而敬不言而信詩曰奏假无言時靡有爭注鄭氏云假大也言奏大樂于宗廟之中人皆肅敬金聲玉色无有言者以時太平和合无所爭也金聲玉色見書大傳是

故君子不賞而民勸不怒而民威于鈇戍詩曰不顯惟德百辟其刑之注不賞不怒故其德不顯不顯言微也不動不言不賞不怒皆慎獨之義是故君子篤恭而天下平詩云予懷明德不大聲以色子曰聲色之于以化民未也詩曰德輶如毛注聲色卽上文賞怒是也聲色德之顯者故曰未也德輶如毛德之微者故詩云民勦克舉初九最微故曰本反是則未也毛猶有倫上天之載无聲无臭至矣注鄭氏云載讀曰栽謂生物也上天之造生萬物人无闻其聲音亦无知其臭气者化民之

德清明如神淵淵浩浩然後善无聲无臭是不動不言  
不賞不怒之極也震為聲巽為臭乾元在震巽之先故  
无聲无臭

惠松崖徵君周易述三十八卷內闕十五卦及序卦雜  
卦二傳其易大義三卷目錄云中庸二卷禮運一卷闕  
乾隆中葉以後惠氏之學大行未刻之易例明堂大道  
錄禘說易漢學好事者皆刊板流傳矣惟易大義世无  
傳本嘉慶二十三年春客游南昌陽城張孝廉子絜出  
此見示為良庭先師手寫本云係徐述卿學士所贈藩  
手錄一帙知非易大義乃中庸注也蓋徵君先作此注  
其後欲著易大義以推廣其說當時著於目而實无其  
書嗣君漢光先生即以此為大義耳是注雖徵君少作

然七十子之微言亦具在是矣昔年欲補此三卷於中庸之旨略通其誼至於禮運則反復求之而不能明也今行年六十矣垂老氣盡學業無成弗克續先師之緒言徒傷日月之易邁悲夫嘉慶二十五年三月朔門人江藩敬跋

道光丁未鐫



# 尚書註考

海山仙館叢書

海山仙館叢書

# 尚書釋文

尚書釋文

## 尚書註考序

我高皇帝明經比士詔用古註疏不知罷于何年豈自  
 文皇帝纂修大全後乎大全首經文次傳註後附諸說  
 意深遠矣累朝申飭中外若曰宗是者始得錄第棘闈  
 告竣宗者售變通其說者亦售太抵宗註之文善守離  
 註之文善攻守多發明然沿迹而謹嚴攻多辨駁每師  
 心而閑肆柄文者所夕繙校或方厭倦偶得才氣稜稜  
 超軼尋常雖出入于傳註意其人必忼慷任事者乍而  
 喜條而疑既而憐拔之具一種人物供王國用是將羶



激其未試而非作楷其見在也學者遂慕爲神奇爲捷  
徑爲宗匠誤矣師友以是劑之父兄以是督之不益誤  
哉余並陳同倩治尙書促膝問難希挾蔡先生仲默之  
精不負古壁之發而同倩復編註考一帙與同志宗守  
敬應明詔其嘉惠豈小補耶信如考之同字異解也引  
經注經而不照應也其真鐵板與其似一定不變者與  
家嚴貞元君嘗謂余曰汝知鐵板書經乎曩在都下遇  
一建陽友人言做境之山有鐵板洞仲默先生隱居洞  
中註書畢日始出故云然他年按蹟問奇博一勝遊徐

徐表識蔡先生讀書處其樂何如茲願高明永宗如鐵  
板則余僭引之意明萬歷己亥長至日項臯謨識

四庫全書提要

案尙書註考一卷明陳泰交撰朱彝尊經義考載陳氏泰來尙書註考一卷註曰未見又註泰來字長水平湖人萬歷丁丑進士官至禮部精膳司員外郎案明吳永芳嘉興府志載陳泰交字同倩萬歷中國子監生所著有尙書註考與經義考迥異然經義考引項臯謨之說稱同倩治尙書作注考云云明出泰交之字則彝尊未見其書誤以泰交爲泰來審矣其書皆考訂蔡沈書傳之訛謂有引經註經不照應者三條又有同字異解者

三百二十三條皆直錄註語不加論斷其同字異解者一字或有數義抉摘未免過嚴其不照應三條如凡厥正人引惟厥正人爲證曰若稽古帝堯引越若來爲證德懋懋官引時乃功懋哉爲證則前後顯相矛盾誠爲蔡氏之疏略矣馬明衡尙書疑義袁仁砭蔡編頗以典制名物補正蔡傳之闕誤泰交此書則惟較量于訓詁之間而所謂訓詁異詞者又皆以矛攻盾未及博援古義證以舊文故爲少遜于二家然釋字釋義二者相資均謂之有功蔡傳可也乾隆五十年十月校

尙書註考

明 陳泰交 撰

引經註經不照應者三條

曰若稽古帝堯訓曰粵越通古文作粵曰若者發語辭周書越若來亦此例也越若來訓古語辭言召公于豐迤邐而來也

時乃功懋哉訓懋勉也德懋懋官訓懋茂也繁多之意與時乃功懋哉之懋同

凡厥正人訓正人者在官之人如康誥所謂惟厥正人

者惟厥正人訓庶官之長

同字異解者三百二十二條

虞書曰虞舜訓虞舜氏汝作朕虞訓虞掌山澤之官若  
虞機張訓虞人也儆戒無虞不虞率典出入自爾師  
虞訓虞度也

堯典訓說文曰典從冊在丌上尊閣之也象以典刑各  
守爾典其爾典聽朕教訓典常典朕三禮典厥義惟  
典神天訓典主也有典有則訓典猶周之六典所以  
治天下之典幸不迪率典訓典常法也其大惇典訓

典典章也后式典集訓典舊典也伯夷降典訓典禮  
也

曰放勳訓曰者猶言其說如此也思曰贊贊訓思曰之  
曰當作曰曰我王來曰無戲忘訓曰者盤庚之辭也  
曰父師訓曰者微子更端之辭也曰逖矣訓曰者武  
王之言也曰有道訓曰者舉武王告神之語曰皇極  
之敷言訓曰起語辭曰乃其速由訓曰者言如此曰  
天子作民訓曰者民之辭也

稽古帝堯七稽疑其稽我古人之德訓稽考也若稽田

訓稽治也

欽明文思訓欽恭敬也欽厥正訓欽者肅恭收斂  
欽明文思訓明通明也克明俊德訓明明之也天明畏  
訓明者顯其善侯以明之訓明者欲明其果頑愚讒  
說與否也方施象刑惟明訓明者言其刑罰當罪可  
以畏服乎人也視曰明訓明者無不見也時乃大明  
服訓明者明其罰公明保子冲子訓明者顯明之也  
明禋訓明潔明清于單辭訓明者無一毫之蔽  
欽明文思訓文文章也乃武乃文訓自其英華發外而

言則謂之文文子文孫訓成王之時法度彰禮樂著

守成尙文故曰文

允恭克讓訓克能也克紹乃辟于先王訓克者責望必  
能之辭二曰剛克訓克治也曰克訓克者交錯有相  
勝之意

光被四表被孟豬訓被及西被于流沙訓被覆也

光被四表訓光顯以近天子之光訓光者道德光華也  
格于上下歸格于藝祖七旬有苗格格爾衆庶格人庶  
有格命訓格至也格汝舜訓格來格則承之訓格有

恥且格之格謂改過也祖考來格訓格神之格思之  
格惟先格王訓格正也猶格其非心之格其有能格  
知天命訓格格物之格天壽平格訓格者通徹三極  
而無間者也

格于上下訓上天下地也上下草木鳥獸訓上下山林  
澤藪也達于上下訓上天下民也下管鼗鼓訓下堂  
下之樂也汝何生在上訓上天也

平章百姓平秩東作訓平均地平天成訓水土治曰平  
天壽平格訓坦然無私之謂平平邦國訓平謂強不

得凌弱衆不得暴寡而人皆得其平也

平章百姓訓章明五服五章哉訓章顯也

黎民訓黎黑也民首皆黑故曰黎民乃命重黎訓黎高  
陽之後

於變時雍女于時惟時懋哉咸若時若不在時惟帝時  
舉時日曷喪予惟時其遷居仰惟前代時若訓時是  
也動惟厥時訓時時措之宜也協時月正日訓時謂  
四時曰時訓兩暘燠寒風各以時至故曰時也至于  
旬時訓時三月

乃命羲和乃反商政訓乃者繼事之辭乃言底可績訓  
乃汝政乃又訓乃者難辭也

欽若昊天疇咨若時登庸瞽亦允若若有恆性非天攸  
若灼知厥若前代時若訓若順也疇若予工訓若順  
其理而治之也若否訓若者如我之意

歷象日月星辰訓象所以觀天之器象傲訓象舜異母  
弟名象以典刑訓象如天之垂象以示人子欲觀古  
人之象訓象像也

歷象日月訓日陽精月陰精協時月正日訓月謂月之

大小日謂日之甲乙日號泣于旻天訓日非一日也

二日月三日日訓月者定晦朔也日者正躔度也

宅嵎夷祭濟宅訓宅居也三有宅訓宅以位言

寅賓出日訓寅敬也夙夜惟寅訓寅敬畏也嚴恭寅畏  
訓寅則欽肅

寅賓訓賓禮接之如賓客也賓于四門訓古者以賓禮  
親邦國諸侯各以方至而使主焉故曰賓七月賓訓  
賓者禮諸侯遠人所以往來交際也作賓于王家訓  
賓以客禮遇之也賓稱奉主訓賓諸侯也

平秩東作咸秩無文訓秩序柴望秩于山川訓秩者牲  
帛祝號之次第汝作秩宗訓秩敘也天秩有禮訓秩  
者尊卑貴賤等級之品秩也

平秩東作訓作起也大陸既作訓作者言可耕治盤庚  
作訓作起而將遷之辭作我見王訓作興起也潤下  
作鹹訓作爲也用作凶訓作動作也

以殷仲春訓殷中也九江孔殷訓殷正也王肇稱殷禮  
訓殷盛也

申命羲叔訓申重也申畫郊圻訓申云者申明之也

以正仲夏訓正者夏至陽之極午爲正陽位也以正仲  
冬訓亦曰正者冬至陰之極子爲正陰位也用或干  
予正訓正政將有大正于商訓正卽湯誓不敢不正  
之正一曰正直訓正者無邪惟正是人之訓正猶康  
誥所謂正人與官正酒正之正指當職者爲言正于  
五刑訓正質也

星火訓火謂大火藻火訓火取其明也

厥民夷受有億兆夷人訓夷平也乃夷居弗事上帝訓  
夷蹲踞也夷玉訓夷常也



厥民隩訓隩室之內也四隩既宅訓隩隈也

咨汝羲訓咨嗟也疇咨若時登庸訓咨訪問也

允釐百工訓釐治釐降二女保釐東郊訓釐理也

允釐百工訓工官也工以納言訓工掌樂之官也工執  
藝事訓百工也

庶績咸熙訓咸皆巫咸訓咸名

疇咨若時訓疇誰亮采惠疇九疇訓疇類

若是登庸帝庸作歌王庸作書庸庸非天庸釋有夏訓  
庸用車服以庸生生自庸訓庸民功自我五禮有庸

哉王惟庸罔念聞訓庸常也

胤子朱罔非天胤訓胤嗣也胤征胤之舞衣訓胤國名  
啓明啓乃心訓啓開也啓呱呱訓啓禹之子

疇咨若予采載采采訓采事以五采訓采者青黃赤白

黑也百里采訓采者鄉大夫邑地

吁嚚訟可乎訓吁者歎其不然之辭吁咸若時訓吁者  
歎而未深然之辭

靡兜曰都訓都者歎美之辭皐陶曰都訓都者皐陶美  
其問也簡恤爾都訓都者國之都鄙也

方鳩僛功訓方且方行天下訓方四方也

咨四岳訓四岳官名一人而總四方諸侯之事者也乃  
日覲四岳訓四岳四方之諸侯內有百揆四岳訓曰  
岳總其方岳者

洪水方割訓割害也割正夏訓割斷也率割夏邑訓割  
剽割夏邑之割

蕩蕩懷山訓蕩蕩廣貌王道蕩蕩訓蕩蕩廣遠也

懷山訓懷包其山面也邦之榮懷詞懷安也

襄陵訓襄駕出其上也贊贊襄哉訓襄成也

有能俾乂訓俾使罔不率俾訓俾廣韻曰從也

有能俾乂訓乂治也從作乂訓乂條理也

兪曰於鯀哉訓兪衆共之辭四岳與其所領諸侯之在  
朝者同辭而對也兪曰伯禹訓兪衆也四岳所領四  
方諸侯有在朝者也

咈哉訓咈者甚不然之辭罔咈百姓從諫弗咈咈其者  
長訓弗逆也

方命圮族訓族類也罪人以族訓族親族也官伯族姓  
訓族同族也

九載績用勿成訓載年也熙帝之載祇載見瞽瞍訓載事也載采采訓載行也乃賡載歌訓載成也既載壺口訓經始治之謂之載

否德訓否不通朕志若否訓否者非我之意

明明揚側陋訓上明謂明顯之下明謂已在顯位者明明我祖訓明明明而又明也明明在下訓明明者精白之容也

明明揚側陋我武惟揚訓揚舉也敢對揚天子訓揚者揚于衆

師錫帝震驚朕師班師振旅用爽厥師答其師出入自爾師虞師聽五辭受王嘉師其歸視爾師訓師衆德無常師師汝昌言訓師法也官師相規訓師以道言八曰師訓師者除殘禁暴也太師訓師道之教訓

師錫帝訓錫與禹錫元圭訓錫與師錫之錫同天乃錫禹訓錫賜也橘柚錫貢訓錫者必待錫命而後貢非歲貢之常也九江納錫訓錫者下與上之辭重其事也

帝曰俞子聞訓俞應許之詞俞汝往哉訓俞者然其舉

也

子聞如何訓如何者復問其德之詳也吁如何訓如何者阜陶問其孜孜者何如也

瞽子訓瞽無目之名瞽奏鼓訓瞽樂官

烝烝乂不蠲烝訓烝進也永底烝民之生烝民乃粒訓烝衆也

觀厥刑于二女訓刑法也考朕昭子刑訓刑儀刑也

釐降二女德乃降用降我凶德訓降下予大降爾四國民命訓降猶今法降等云者

媯汭訓水北曰汭涇屬渭汭訓汭水名

欽哉訓堯戒二女之辭欽哉慎乃有位訓欽哉言不可不謹也

重華訓華光華也華玉仍几訓華彩色也

重華協于帝協于克一相協厥居訓協合也舉協賞罰訓協和也

重華協于帝惟帝其難之訓帝謂堯也祇承于帝帝初于歷山訓帝謂舜

濬哲文明明作哲茲四人迪哲訓哲智知人則哲訓哲

智之明也弗造哲訓哲者明哲也

玄德升聞訓玄幽潛也厥篚玄纁縞訓玄赤黑色幣也

五典克從言曰從訓從順也恆衛既從訓從者從其道

也漆沮既從訓從者從于渭也

納于百揆訓百揆者揆度庶政之官內有百揆四岳訓

百揆無所不總者

四門穆穆訓穆穆和之至也秀作穆穆訓穆穆和敬也

亦則以穆穆訓穆穆和敬貌穆穆在上訓穆穆者和

敬之容也

雷雨弗迷訓迷錯也昏迷不恭訓迷惑也政乃不迷訓

迷錯謬也

乃言底可績三邦底貢厥名底慎財賦乃底滅亡我祖

底遂陳于上底天之罰訓底致也底商之罪訓底至

也

汝陟帝位陟方乃死陟禹之迹訓陟升也故殷禮陟配

天惟新陟王訓陟升遐也

在璿璣訓璣機也玄纁縞組訓璣珠不圓者

玉衡訓衡橫也不惠阿衡訓衡平也

肆類于上帝訓肆遂也肆台小子肆予小子發肆予告  
我友邦君訓肆故也肆王惟德用訓肆今也雋災肆  
赦淫酗肆虐訓肆縱也昏棄厥肆祀訓肆陳也肆哉  
訓肆放也肆汝小子封訓肆未詳肆爾多士訓肆與  
肆汝小子封同肆其監于茲訓肆大也

禋于六宗則禋子文王武王訓禋精意以享也

禋于六宗訓宗尊也汝作秩宗訓宗祖廟也惇宗將禮  
訓宗功宗之宗也江漢朝宗訓夏見曰宗

望于山川訓望而祭之故曰望柴望秩于山川訓望望

秩以祀山川惟二月既望訓日月相望謂之望

輯五瑞訓輯斂輯寧爾邦家訓輯和

班瑞于羣后訓班頒同班師振旅訓班還

敷奏以言訓敷陳禹敷土訓敷分也敬敷五教篠蕩既

敷敷賁訓敷布敷求哲人訓敷廣也敷重葭席訓敷

設

肇十有二州肇我邦于有夏訓肇始也肇牽車牛訓肇

敏

封十有二山訓封表也小子封訓封康叔名

怙終賊刑訓終謂再犯乃有大罪非終訓終故犯

怙終賊刑訓賊殺也寇賊姦宄訓殺人曰賊

四罪而天下咸服訓服者天下皆服其用刑之當罪也  
五刑有服訓服服其罪也五百里甸服先王有服以  
常舊服乃服惟弘王遠服賈訓服事也說乃言惟服  
訓服行也嗣無疆大厯服訓服五服也時乃大明服  
訓服者服其民也

如喪考妣訓喪爲之服也剝喪元良訓喪去也

咨十有二牧訓牧養民之官牧誓訓牧地名準夫牧訓

### 牧常伯也

柔遠能邇訓能者擾而習之也惟其能訓官以任事故  
曰能推賢讓能訓能有才者也

惇德允元訓德有德之人也德惟治訓德者合敬仁誠  
之稱也德無常師訓德者善之總稱同力度德訓德  
者得也行道而有得于心也玩人喪德訓德者已之  
所得惟德惟義訓德者心之理

惇德允元訓元仁厚之人也一人元良訓元大其惟王  
位在德元訓元首也

而難任人訓難拒絕也其難其慎訓難者難于任用予  
告汝于難訓難言謀遷徙之難也  
亮采惠疇惠迪吉不惠阿衡惠篤敘胥保惠訓惠順也  
安民則惠訓惠仁之愛也雀弁執惠訓惠三隅矛  
亮采惠疇訓亮明一說亮相也亮采有邦訓亮亦明也  
亮陰訓亮亦作諒  
惟時懋哉時乃功懋哉懋遷有無化居訓懋勉也予懋  
乃德訓懋楸古通用楸盛大之意惟公懋德訓懋盛  
大之意予懋乃德之懋

汝后稷皇后憑玉几訓后君也后式典集訓后後王也  
播時百穀暨稷播種訓播布播葉黎老訓播放也  
五品不遜乃汝盡遜訓遜順也惟學遜志訓遜謙抑也  
汝作司徒訓司徒掌教之官牧誓訓司徒主民治徒庶  
之政令洪範司徒掌教所以成其性  
敬敷五教訓敬敬其事也敬哉有士訓敬心無所慢也  
先王惟時懋敬訓敬即克敬惟親之敬  
蠻夷猾夏訓夏明而大也夏書訓夏禹有天下之號  
寇賊姦宄訓劫人曰寇司寇掌邦禁訓羣行政劫曰寇



汝作士訓士理官也見士于周訓士說文曰事也

讓于夔龍訓夔龍二臣名山龍訓龍取其變也

聲依永訓聲者宮商角徵羽也聲教訖于四海訓聲謂

風聲振舉于此而遠者聞焉故謂之聲

三載考績訓考核實也考朕昭子刑訓考成也

分北三苗訓北猶背也比頑童訓比昵也曷不暨朕幼

孫有比訓比同事也

北如字  
又音佩

舜生三十徵庸訓徵召也明徵定保八庶徵訓徵驗

文命訓命教用懌先王受命訓命天命也

后克艱厥后奏庶艱食訓艱難也厥惟艱哉訓艱者饑

寒之艱

嘉言罔攸伏受王嘉師訓嘉善嘉靖殷邦訓嘉美

帝德廣運訓廣者大而無外齊聖廣淵訓廣言其大

乃聖乃神訓自其大而化之而言謂之聖睿作聖齊聖

廣淵聖訓無不通惟聖罔念人之彥聖訓聖通明

奄有四海訓奄盡也王來自奄訓奄不知所在

惠迪吉訓迪道也爾尙迪果毅四人迪哲訓迪蹈矧今

民罔迪訓迪卽迪吉康之迪不克終日勸于帝之迪

訓迪啓迪也

罔淫于樂時謂淫風則其無淫訓淫過也今惟淫舍牯牛馬訓淫大也

疑謀勿成訓謀圖爲也弗詢之謀訓謀謂訂事聰作謀訓謀者度也爾有嘉謀訓言切于事謂之謀

四夷來王訓九州之外世一見曰王王若曰孟侯訓王武王也王若曰嗚呼君牙訓王穆王也以爲天下王訓謂之王者指其君長而言

九功惟敘訓敘者言九者各順其理而不汨陳以亂其

常也天敘有典訓敘者君臣父子兄弟夫婦朋友之倫敘也各以其敘訓敘者應節候也誕敢紀其敘訓敘緒篤敘乃正父訓敘者先後之不紊乃承敘萬年訓敘教條次第也

九敘惟歌訓歌者以九功之敘而詠之歌也帝庸作歌訓歌詩歌也

董之用威自我民明威訓威古文作畏威侮五行訓威暴殄之也威克厥愛訓威者嚴明之謂自亂于威儀訓威者有威可畏非訖于威訓威權勢也

六府訓六者財用之所自出故曰府惟府辜功訓府聚也

三事訓三者人事之所當為故曰事故一人有事訓事征伐會同之類作三事訓以職言故曰事

耄期倦于勤訓九十曰耄百年耄荒訓耄老而昏亂之稱

耄期訓百年日期期于子治訓期先事取必之謂  
皐陶邁種德訓邁勇往力行之意子惟克邁乃訓訓邁行也

念茲在茲訓茲指皐陶也嗣王其監于茲君肆其監于茲訓茲者指上文而言邇可遠在茲允懷于茲茲惟后矣訓茲者此也

罔或于予正訓于犯舞于羽于兩階比爾于訓于楯以弼五教訓弼輔也承弼厥辟訓弼者正救之也臨下以簡訓簡者不煩之謂簡賢附勢訓簡畧也惟簡

在上帝之心訓簡閱也克以爾多方簡訓簡擇也五辭簡孚訓簡核其實也簡恤爾都訓簡者簡閱其土罰弗及嗣訓嗣子孫嗣爾股肱訓嗣續

賞延于世訓延遠及也延入翼室訓延引也

賞延于世訓世嗣皆謂子孫用殄厥世訓世者世堯之天下也世選爾勞訓世非一世也官人以世訓世子弟也世變風移訓父子曰世

宥過無大訓過者不識而誤犯也過九江訓過經過也又東過漆沮訓既得澧涇渭愈大漆沮皆小故曰過百姓有過訓過廣韻曰責也正于五過訓過誤也

與其殺不辜訓辜罪也亦罔非酒惟辜訓喪邦故言辜寧失不經訓經常也論道經邦訓經者經綸之謂

天之厯數訓厯數者帝王相繼之次第猶歲時氣節之先後五曰厯數訓厯數者占步之法所以紀歲日月星辰也

無稽之言訓言謂泛言嘉言孔彰訓言謂其訓惟口出好興戎訓戎兵也乃不畏戎毒于遠邇訓戎大禹乃會羣后訓會徵會也作會訓會者繪也澠沮會同訓會者水之合也東會于澧又東會于涇訓澧涇大與渭竝故曰會會其有極訓會者合而來也用會紹乃辟訓會者合之而使不離

日號泣于旻天訓仁覆閔下謂之旻旻天大降喪于殷  
訓旻天秋天也主肅殺而言

至誠感神訓誠感物曰誠其不能誠于小民訓誠和  
慎厥身修訓慎者言不可不致其謹也其難其慎訓慎  
者慎于聽察

孔壬六府孔修訓孔大也九江孔殷嘉言孔彰訓孔甚  
也

亂而敬茲子有亂政同位殷其弗或亂正四方四方迪  
亂亂爲四方亂爾有政自亂于威儀其能而亂四方

民之治亂訓亂治也子有亂臣十人惟以亂民訓治

亂曰亂亂于河訓絕河而渡曰亂時謂亂風訓倒置

悖理曰亂

擾而毅擾兆民訓擾馴也傲擾天紀訓擾亂也

寬而栗訓而轉語辭也其能而亂四方訓而如也

百僚師師訓師師相師法也我有師師訓師師以官師  
爲師也

無教逸欲有邦訓教非必教令謂上行而下效也聲教  
訖于四海訓教謂教化

一日二日萬幾訓幾微也惟幾訓幾事之微也貢于非  
幾訓幾者動之微而善惡之所由分也

勅我五典訓勅正勅天之命惟民其勅懋和訓勅戒勅  
也

同寅協恭和衷哉訓衷降衷之衷卽所謂典禮也降衷  
于下民訓衷中

五服五章訓五服五等之服弼成五服訓五服甸侯綏  
要荒也五服一朝訓五服侯甸男采衛也

天明畏訓畏者威其惡雖畏勿畏訓畏威古通用威辟

之也

距四海訓距至不距朕行訓距違也

安汝止訓止者心之所止也爾乃尙寧幹止訓止居也  
惟幾惟康訓惟幾所以審其事之發惟時惟幾訓惟幾  
者無事而不戒勅也

臣哉訓臣以人言臣妾逋逃訓男曰臣

鄰哉訓鄰左右輔弼也郭鄰訓周禮六遂五家爲鄰  
子欲左右有民訓左右者輔翼也左右惟其人訓左右  
者輔弼大臣

補黻訓補若補斧形補純訓補白黑雜繪

絺繡訓絺鄭氏讀作芻絺也厥貢鹽絺訓絺細葛也

予違汝弼訓違戾也罔尤違訓違背也違之俾不達訓

違背違之也

格則承之訓承薦也罔不惟民之承訓承敬也乃承敘

萬年訓承聽受也承弼厥辟訓承承順之謂

無若丹朱訓丹朱之國名也礪砥砮丹訓丹丹砂也

辛壬癸甲訓四日也甲于內亂訓甲始也

惟荒度土功訓荒大也荒服訓以其荒野故謂之荒服

內作色荒訓荒者迷亂之謂非予自荒茲德無荒失

朕命訓荒廢也百年耄荒訓荒忽也

憂擊訓考擊也不率大憂訓憂法也

搏拊訓拊循也擊石拊石訓輕擊曰拊

下管鼗鼓訓管猶周禮所謂陰竹之管致辟管叔訓管

國

子擊石訓石磬也闕石和鈞訓百二十斤爲石

庶尹允諧訓尹正也伊尹訓尹字也尹茲東夏訓尹治

也尹旅訓尹正官之長阪尹訓古者險危之地封疆

之守或不以封而使王官治之是之謂尹

率作興事訓率總率也于其子孫弗率率乃祖考攸行

俾率先王率自中率惟教功訓率循也

皐陶拜手稽首訓拜手稽首者首至手又至地也周公

拜手稽首訓拜手稽首者周公遣使之禮也

禹貢訓下之所供謂之貢厥貢漆絲訓貢者下獻其土

所有于上也爾無以釗冒貢訓貢進也

既修太原訓修因鯨之功而修之也簡厥修訓修謂其

職業

浮于濟漂訓舟行水曰浮鮮以不浮于天時訓浮之言

勝也惟受罪浮于桀訓浮過

澠沮會同訓同者合而一也澧水攸同訓同者同于渭

也上宗奉同瑁訓同爵名

海濱廣斥訓濱涯也泗濱訓濱水旁也

嵎夷既畧訓畧經畧為之封畛以遏亂畧訓畧謀畧也

草木漸包訓包叢生也厥包橘柚訓包裹也

礪砥砮丹訓礪以麤礪為稱礪乃鋒刃訓礪磨也

蔡蒙旅平訓祭山曰旅亞旅訓旅衆也尹旅訓旅衆大



夫也

蔡蒙訓二山名二百里蔡訓蔡放也蔡仲之命訓蔡國名

涇屬渭汭訓屬連屬也墨罰之屬訓屬類也

弱水既西訓西海之山有水焉散渙無力不能負芥故

名曰弱無弱孤訓弱者少之也六曰弱訓弱者柔之

過也

咸則三壤訓則品節之也有典有則訓則猶周之八則則其無淫時人不則有愆訓則法也式和民則訓則

有物有則之則

五百里甸服訓甸田俊民甸四方訓甸治也奄甸萬姓

訓甸者并牧其地什伍其民也

五百里綏服克綏厥猷訓綏安也我先后綏乃祖乃父

訓綏懷來之意

甘誓訓甘地名甘酒嗜音訓甘嗜皆無厭也

威侮五行訓侮輕忽之也取亂侮亡訓侮說文曰傷也

有窮后羿訓窮國名終以困窮訓窮困之極也

御其母以從訓御侍也其侍御僕從訓御車御之官御

王冊命訓凡王所臨所服用皆曰御

逸豫滅厥德訓豫樂也豫恆燠若訓豫怠

皇祖有訓惟皇上帝皇后憑玉几張皇六師訓皇大皇

建其有極訓皇君無皇曰我皇多有之訓皇王通

子視天下訓予五子自謂也萬姓仇子訓仇予之子指

太康也

亂其紀綱訓小者為紀既歷三紀訓十二年曰紀

峻字雕墻訓雕繪飾也雕玉仍几訓雕刻鏤也

和鈞訓和平也惟和惟一訓和者可否相濟和恆四方

訓和者使不乖也和之弓訓和古之巧工

明徵定保昔先正保衡保釐東郊訓保安也保受王威

命訓保者保而弗失公明保子冲子訓保保佑之也

太保訓保者保其身體

官師相規畔官訓官以職言惟官訓官威勢也官伯族

姓訓官典獄之官也

畔官離次訓次位也王次于河朔訓次止也勿庸以次

汝封訓汝次舍之次

弗集于房訓集漢書作輯集輯通用后式典集訓集和

輯也不集于享訓集萃也

奉將天罰訓將行也惇宗將禮迪將其後訓將大也

天吏逸德罔有逸言訓逸過上帝引逸訓逸安也拙謀

作乃逸訓逸過失也逸祝冊訓逸史佚也

奉若天命訓天者典常之所自出矯誣上天訓天以形

體言天乃錫禹訓天以理言也宏于天訓天者理之

所從出有若伊尹格于皇天訓自其徧覆言之謂之

天

式商受命惟說式克欽承式爾后式典集天惟式教我

訓式用也式敷民德訓式敬也萬邦作式嚴惟丕式

子孫訓其成式訓式法也式商容閭訓式車前橫木

有所敬則俯而憑之

用爽厥師昧爽丕顯時甲子昧爽爽邦由哲訓爽明故

有爽德訓爽失也

乃葛伯訓伯爵也越庶伯君子訓伯長也官伯族姓訓

伯諸侯也

後來其蘇訓蘇更生也蘇公訓蘇國名

不殖貨利訓殖聚也兆民允殖訓殖生也

以義制事訓義者心之裁制典厥義訓義者理之當然  
行而宜之之謂同德度義訓義宜也制事達時之宜  
也王義嗣德用其義刑訓義宜也惟德惟義訓義者  
理之宜也

以禮制心訓禮者理之節文縱敗禮訓禮就身言之也  
修其禮物訓禮典禮

克綏厥猷爾惟踐修厥猷訓猷道也汝猷黜乃心告君  
乃猷裕訓猷謀凡厥庶民有猷訓有猷有謀慮者王  
若曰猷訓猷發語辭爾有嘉謀嘉猷訓言合于道謂

之猷

敢昭告于上天神后訓神后后土也予念我先神后訓  
神后先王也

上天孚佑下民作周孚先訓孚信五辭簡孚訓孚無可  
疑也

天命弗僭惟吉凶不僭曰僭恆暘若訓僭差也民用僭  
忒訓僭踰也

賁若草木訓賁文之著也敷賁訓賁餘也用宏茲賁訓  
宏賁皆大也

茲朕未知獲戾于上下速戾于厥躬訓戾罪未戾厥心  
訓戾止也無遠弗戾訓戾至也  
無從匪彝訓彝法我不知其彝倫攸敘無彝酒訓彝常  
伊尹祠于先王訓先王湯也惟先王建邦訓先王后稷  
先王既勤用訓先王文王武王也  
總己以聽冢宰訓冢宰長也冢宰掌邦治訓冢大  
伊尹訓伊尹字也祖伊訓祖姓伊名  
立愛惟親訓立植也立太師太傅訓立始辭也三公非  
始于此立爲周家定制則始于此也

三風訓風風化也時乃風訓風風教也  
其刑墨訓墨墨刑也墨辟疑赦訓墨刻額而涅之也  
具訓于蒙士訓具計悉也具乃具玉訓具多取而兼有  
之謂  
自周有終訓周忠信也雖有周親訓周至也周書訓周  
一文王國號王朝步自周訓周鎬京也  
先王昧爽訓昧晦時甲子爽訓昧冥  
丕顯訓顯亦明也惟良顯哉訓顯以名言  
往省括于度訓度法度欲敗度訓度就事言之也

伊尹以冕服奉嗣王訓冕冠也冕執鉞訓冕大夫服

伊尹以冕服奉嗣王訓奉迎也乃奉其恂訓奉承

弗慮胡獲訓胡何也小子胡訓胡仲名

一人元良訓一人者萬邦之儀表能念予一人訓一人

武王也

一人元良訓元大良善剝喪元良訓元良微子也

一人元良訓良善惟良顯哉訓良以德言進厥良訓良

謂其行義

萬邦以貞厥賦貞百度惟貞訓貞正也曰貞訓內卦為

貞我二人共貞訓貞猶當也

顧諟天之明命訓顧常目在之也顧命訓顧還視也

克享天心訓享當也有斯明享訓享上享下之享汝其

敬識百辟享訓享朝享也不集于享訓享享有之享

惟和惟一訓一者終始如一協于克一訓一者其本原

統會者也

主善為師訓善者德之實行慮善以動訓善者當乎理

也

民不適有居訓適往乃惟菁災適爾訓適偶也

重我民無盡劉咸劉厥敵訓劉殺也一人冕執劉訓劉  
鉞屬

若顛木之有由葉訓由古文作𣎵木生條也弔由靈訓  
由用也別求聞由訓由行

王若曰格汝衆訓若曰者非盡當時之言大意若此也  
周公若曰拜手訓此篇周公所作而記之者周史也  
故稱若曰

相時儉民訓相視也予其懋簡相爾訓相爾雅曰導也  
儉民訓小民也立政用儉人訓謂之儉者形容其沾沾

便捷之狀也

用罪伐厥死訓伐猶誅也四伐五伐訓伐擊刺也

予敢動用非罰訓敢不敢也敢恭生生訓敢勇也敢對

揚天子訓敢者自信無慊之辭

誕告用直訓直誠也直聰明訓直者誠實無妄之謂

予丕克羞爾爾尚克羞饋祀訓羞養也我既羞告爾使  
羞其行訓羞進也

陳于茲訓陳久也我祖底遂陳于上汨陳其五行訓陳  
列也

各設中于乃心訓中者極至之理惟爾之中訓中者民則之體而人之所同然也率自中訓中者心之理而無過不及之差者也

歷告爾百姓于朕志訓歷盡也嗣無疆大歷服訓歷歷數也

弔由靈訓弔至無敢不弔訓弔精至也大誥弗弔訓弔恤也

以匡乃辟訓匡正匡其不及訓匡輔助也

敢對揚天子訓對者對以己對揚文武之光命訓對答

民中絕命訓言民而不言君者不敢斥也惟民自速辜

訓曰民者猶曰先民君臣之通稱也

天既訖我殷命訓訖絕也非訖于威民訖自若是多盤訓訖盡也

我用沈酗訓言我而不言紂者過則歸己我其立政訓我者指王而言

微子訓微國名繫微訓繫微在巴蜀

微子箕子訓子爵也朕復子明辟考朕昭子刑訓子親之



越我御事庶士越厥疆土于先王訓越及也殺越人于  
貨訓越顛越也

越我御事訓御事治事者越自乃御事訓不敢指言成  
王謂之御事猶今稱人爲執事也

受有臣億萬訓百萬曰億公其以子萬億年訓十萬曰  
億

郊社不修訓郊所以祭天丁巳用牲于郊訓郊祭天地  
也王出郊魯人三郊三遂訓國外曰郊

今商王受訓受紂名也保受王威命訓受者受而無拒

相我受民訓民而謂之受者言民者受之于天受之  
于祖宗

惟予小子無良訓無良猶言無善也惟予一人無良訓  
無良言其質之不善也

牧誓訓司空主土治壘辟以營軍洪範訓司空掌土所  
以安其居

牧誓師氏訓以兵守門者顧命師氏訓大夫官

微盧訓盧彭在西北盧弓一訓盧黑也

乃止齊焉訓齊齊整也克齊聖廣淵訓齊肅也

恭天受命訓成命黜商之定命也王厥有成命訓成命  
天之成命也

彝倫攸斃訓斃敗俾我有周無斃訓斃厭也

貌曰恭訓恭者敬也嚴恭寅畏訓恭則謙抑

一曰歲訓歲者序四時也烝祭歲訓曰歲云者歲舉之  
祭也

畏高明訓高明位之尊顯者也高明柔克訓高明高亢  
明爽過乎中者也

既富方穀訓富祿之也二曰富訓富者有廩祿也惟訖

于富訓富賄賂也

無反無側訓反倍常也弗惟反訓反者令出不可行而

壅逆之謂惟反訓反報德怨也

無反無側訓側不正也便辟側媚訓側者姦邪

彊弗友訓友順乃有友罰厥子訓友以喻四國

作內吉訓內謂祭祀等事惟內訓內女謁也

二曰疾訓疾身不安疾大漸訓統言曰疾

志以道寧訓道者所當由之理也論道經邦訓道者陰  
陽之理恆而不變者也同底于道訓道者致治之道

也

穆卜訓敬而有和意乃穆考文王訓穆敬也

公曰體訓體兆之體也辭尚體要訓趣完具而已之謂

體

公將不利于孺子訓孺子成王也孺子其朋訓孺子稚

子也

大誥弗弔訓猶詩言不弔昊天之弔言我不為天所恤

多士弗弔訓弗弔未詳意其為歎憫之辭當時方言爾

也

已子惟小子訓已承上語辭已而有不能已之意已汝

惟小子訓已語辭之不能已也已若茲監訓已語辭

殷小腆訓腆厚洗腆致用酒訓腆以致其厚

我有大事休訓休美也雖休勿休訓休省之也

闕茲我成功所訓茲者艱難而不易厥誥茲庶邦庶士

訓茲戒謹也

肆予大化誘我友邦君訓化者化其固滯貳公宏化訓

化者天地之化運而無迹者也

修其禮物訓物文物也儀不及物訓物幣也

篤不忘訓篤厚也篤敘乃正父訓篤者篤厚而不忘  
宏于天訓宏者廓而大之也貳公宏化訓宏者張而大  
之

汝陳時臬訓臬法也爾罔不克臬訓臬事也

已汝惟小子訓小子幼小之稱文王誥教小子訓小子  
少子之稱小子同未在位訓小子成王也在今子小  
子且訓小子自謙之辭也

康誥迪屢訓迪之者雖屢多方迪屢訓屢蹈

純其藝惟天不畀純侵戎我國家純訓純大也黼純訓

純緣也

爾乃自介訓介助也爾曷不夾介訓介賓介之介太保  
承介圭訓介大也如有一介臣訓介獨也

子其殺訓其者未定辭也曷其奈何勿敬訓其語辭其  
丕能誠于小民上下勤恤其曰訓其期之辭也則其  
無淫訓其指文王而言

汝若恆越訓恆常也和恆四方訓恆者使可久也政貴  
有恆訓對暫之謂恆

王啓監訓監三監之監若茲監訓監視也奔走臣我監

王訓監監洛邑之遷民者也

懷為夾訓夾近也爾曷不夾介訓夾夾輔之夾

惟三月哉生魄訓三月周公攝政七年之三月也惟三月周公初于新邑洛訓三月成王祀洛次年之三月也

面稽天若訓面鄉也大輅在賓階面訓面南嚮也

王敬作所訓所處所也所其無逸訓所猶處所也

佯來以圖訓圖路之地圖也洪惟圖天之命訓圖謀也享多儀訓儀禮自亂于威儀訓儀者有儀可象

王命予來訓來洛邑也惟來訓來干請也

乃單文祖德訓單殫也丕單稱德訓單盡也

乃非民攸訓訓法猶胥訓告訓誠子孫訓其成式訓

訓順

不克開于民之麗訓麗猶日月麗于天之麗謂民之所

依以生者也依于土依于衣食之類莫麗陳教訓麗

依也匪察于獄之麗訓麗附也

爾乃尙寧幹止訓幹事峙乃楨幹訓旁曰幹

爾尙不忌于凶德訓忌畏也未就予忌訓忌疾

麻冕彤裳訓彤纁也彤弓一訓彤赤  
畢公衛侯訓畢衛毛皆國名畢協賞罰訓畢盡

...

尚書註考終

道光丁未鐫



# 讀詩拙言

明間中陳 第季立著

海山僊館叢書

...

公衛侯訓畢衛毛詩  
此詩不韻義書

韻書

韻書



讀詩拙言

明閩中陳第季立著  
吳興凌鳴喈覺甫訂誤

說者謂自五季之衰外夷入寇驅中原之人入於江左而河淮南北間雜夷言聲音之變或自此始然一郡之內聲有不同繫乎地者也百年之中語有遞轉繫乎時者也況有文字而後有音讀由大小篆而八分由八分而隸凡幾變矣音能不變乎所貴誦詩讀書尚論其當世之音而已矣三百篇詩之祖亦韻之祖也作韻書者

言言抄  
宜權輿於此遡源沿流部提其字曰古音某今音某則  
今音行而古音庶幾不泯矣自周至後漢音已轉移其  
未變者實多愚考說文訟以公得聲福以偏得聲霾以  
狸斯以其脫以兌節以卽溱臻皆秦闐填皆真者讀旅  
涖讀矣滔讀由玖讀芭又我讀俄也故義有俄音而儀  
議因之得聲矣且以莪娥鴛鴦戢戢戢之類例之我  
可讀平也奚疑乎可讀阿也故奇有阿音而倚綺因之  
得聲矣且以何河柯珂珂苛訶之類例之可可讀平  
也亦奚疑乎凡此皆毛詩音也徐鉉修說文槩依孫愐

之切韻是以唐音而反律古矣厥後諸韻書引古詩如  
晨星而於唐宋名家之辭每數數焉無亦譜子孫而忘  
祖宗乎嗟夫說文之音多與時違幾爲溝中之斷矣愚  
獨取之以讀詩豈偶也哉豈偶也哉

聞之李陽冰曰蔡中郎以豐同豐李丞相將東爲東魯  
魚一惑涇渭同流愚未嘗不歎其知言也夫縣官文移  
多有失錯咫尺繕寫不免差譌況古詩書承篆隸之後  
拾煨燼之餘傳之非一人譯之非一手而謂無一字一  
句之誤君子不信也今考禮記引詩匪棘其欲作匪革



其猶體無咎言作履無咎言以勗寡人作以畜寡人克  
順克比作克順克俾說文引詩禾役穉穉作禾穎穉穉  
伐木許許作伐木所所其會如林作其櫨如林民之方  
殿屎作方唵呬厥類尙多此其槩矣孰是孰非誰能定  
之故音有相通不妨其字之異也義有可解不妨其音  
之殊也古之達人如鄭康成輩往往讀與俗異懿彼哲  
婦則懿讀爲噫易錫馬蕃庶則庶讀爲遮又如論語互  
鄉章朱註云人潔至往也十四字當在與其進也之前  
蓋不改其字而音是更不變其章而讀互轉亦通變之

權宜也故雜佩以贈之今讀贈爲貽烝也無戎以修我  
戎並讀戎爲武而東門車攻桑柔烝民召旻閟宮六章  
上下不叶皆借而讀之亦竊比古人之意若詬之曰經  
不可疑也而奚疑之則愚之罪滋大矣  
夫詩必有韻詩之致也毛詩之韻不可一律齊也蓋觸  
物以攄思本情以敷辭從容音節之中宛轉宮商之外  
如清漢浮雲隨風聚散蒙山流水依坎推移斯其所以  
妙也故有四句而兩韻者關雎首章之類是也有四句  
兩韻又轉而他韻者關雎次章之類是也有四句而各

言言排言  
三  
兩韻者伯兮首章之類是也有八句而四韻者碩鼠之類是也有十二句而六韻者小明首章之類是也有三句而兩韻者采芣之類是也有三句而皆韻者十畝之間之類是也有四句而皆韻者還之類是也有五句皆韻者鴟鴞卒章之類是也有五句皆韻轉而五句又皆韻者甫田一二章之類是也有六句皆韻者猗嗟三章之類是也有八句皆韻轉二句以成其韻者甫田三章之類是也有六句三韻轉而六句又三韻者頍弁首章之類是也有三句爲韻十二句四韻者采芑次章之類

是也雖然此易讀也有六句六韻轉二句一韻又轉三句一韻以足之如七月之五章也者有二句二韻轉二句二韻又三句二韻以足之如斯干之首章也者有三句三韻轉三句一韻又二句一韻以足之如無羊之次章也者有二句二韻轉三句一韻又二句一韻以足之如小旻之五章也者有四句三韻又承上二句一韻又三句一韻以足之如大田之三章也者忽而不察則氣脈不聯雖然此猶易讀也有起而不韻如我徂東山惓惓不歸文王曰咨咨女殷商之類有收而不韻如于嗟

麟兮于嗟乎騶虞其樂只且狂童之狂也且文王烝哉  
于胥樂兮之類皆自然之音無俟補湊雖然此猶易讀  
也生民之卒章以迄于今而接上帝居歆也今歆相韻  
隔三句而非支瞻印之次章以女覆奪之而起女覆說  
也奪說相呼合八句而二韻不通其變則音有爲由雖  
然此猶易讀也有云升彼虛矣以望楚矣又樂只君子  
福祿脆之優哉游哉亦是矣矣虎拜稽首對揚王休作  
召公考天子萬壽此數者皆仄以承平也然節奏調暢  
自是可讀蓋四聲之辨古人未有中原音韻此類實多

舊音必以平叶平仄叶仄也無亦以今而泥古乎總之  
毛詩之韻動於天機不費雕刻難與後世同日論矣  
詩雖三百篇然牢籠天地囊括古今原本物情諷切治  
體總統理性闡揚道真廓乎廣大靡不備矣美乎精微  
靡不貫矣近也實遠淺也實深辭有盡而意無窮故誰  
適爲容閨怨之貞志也與子偕作塞曲之雄心也於女  
信宿戀德之悃衷也投畀豺虎疾惡之峻語也樂子無  
知傷時之幽憂也攜手同行招隱之嫵節也斷壺剝棗  
田家之真樂也魚鱉筍蒲餞送之清致也示我周行乞

言之虛懷也周爰咨謀遠遊之博采也實命不猶自寬  
之善經也我思古人拔俗之卓軌也後世風流文雅之  
士言之能若此之典乎好樂無荒恬淡而慮長匪我思  
存紛華而不亂泌之洋洋素位而止足在水中止跡近  
而心遐振鷺想君子之容也白駒繫嘉客之馬也後世  
清隱高遜之士言之能若此之婉乎濟濟多士美得人  
也有嚴有翼修戎政也公孫碩膚昭勞謙也萬邦作孚  
廣身教也此盛世之風綦隆之泰也變雅所咏尤可繹  
思滄滄泚泚百官邪矣亶侯多藏寵賂彰矣婦有長舌

女謁盛矣莫肯夙夜庶政隳矣爲鬼爲蜮讒夫昌矣俾  
晝作夜酒德酗矣自有肺腸朋黨分矣民亦勞止百姓  
困矣此周之衰也亦漢唐宋之所以亡也後世經綸康  
濟之士言之能若是之詳乎反是不思亦已焉哉謀始  
之箴也靡不有初鮮克有終令終之戒也孝子不匱永  
錫爾類行道之徵也夙夜匪解以事一人策名之則也  
白圭之玷尙可磨也何言之可輕民之失德乾餱以愆  
何微之可忽秉心塞淵駮牝三千何事之非心旣作泮  
宮淮夷攸服何教之非政古之人無斃譽髦斯士何化

言言抄言  
之不可行盡瘁以仕寧莫我有何變之不可正及爾出  
王及爾游衍何天之不爲人尊嗜背憎職競由人何人  
之不爲天是忘精粗合內外貫始終一天人道德性命  
之奧也後世講學談道之士言之能若此之審乎故是  
詩也辭可歌意可釋可以平情可以畜德孔門所以言  
詩獨詳也嘗記童稚時先人木山公謂不肖曰吾讀國  
風四肢猶覺散慢及讀文王在上於昭于天不覺手足  
之斂肅肩背之竦直也嗟夫小子弗克負荷矣總角受  
詩皓首茫然聊述梗槩識其愧心而已矣

愚讀離騷愛其才情濬發託興高遠誠辭賦之宗也至  
云紛吾既有此內美兮又重之以修能則竊歎曰是其  
謗之招乎至不量鑿而正柄固前修以菹醢則又歎曰  
夫其自知之矣蓋其嫉謠誅怨靈修回望故都深綣綣  
焉直令人惻然傷心然披抉小人之情剖析治亂之幾  
終不若變雅之爽朗也且其飲馬咸池縱轡扶桑前望  
舒後飛廉令豐隆求宓妃諸語後人修辭率慕而效之  
乃雅則指牛女而惜其不可服箱報章也覩斗箕而傷  
其不可簸揚挹漿也悲而無聊典而含痛有不廢書流

涕乎此所以經千載而如新歷百誦而不盡也若賈生  
弔湘鵬鳥二賦則猶有風雅之遺思哉

古人之書亦皆有韻不特詩也如老子無名天地之始  
有名萬物之母母讀米也功而不居夫惟不居是以不  
去居讀倨也事善能動善時夫惟不爭故無尤尤讀怡  
也金玉滿堂莫之能守富貴而驕自遺其咎咎讀几也  
五味令人口爽馳騁田獵令人心發狂爽讀霜也執古  
之道以御今之有能知古始是謂道紀有讀以也澹兮  
其若海颺兮似無所止衆人皆有以我獨頑且鄙海讀

喜也窈兮冥兮其中有精其精甚真其中有信信讀伸  
也名亦既有夫亦將知止知止所以不殆殆讀以也知  
足不辱知止不殆可以長久久讀几也既得其母以知  
其子既知其子復守其母子讀止也以智治國國之賊  
不以智治國國之福知此兩者亦楷式福讀偏也元德  
深矣遠矣與物反矣反讀顯也禍兮福所倚福兮禍所  
伏伏讀逼也吾不敢爲主而爲客不敢進寸而退尺客  
讀恪尺讀綽也受國之垢是爲社稷主垢讀古主讀祖  
也又莊子通於一而萬事畢無心得而鬼神服服讀逼

也覩有者昔之君子覩無者天地之友友讀以也此與  
毛詩古音若合符節故通詩之音以讀易得十之六讀  
離騷得十之五讀易林急就參同太元諸書與古歌謠  
皆開卷而得其槩庶幾不至於齟齬矣  
漢魏六朝之詩騷賦之變而近體之椎輪也其贈送有  
規諷焉其引用有根據焉華不滅質色不澤理其音與  
古合如服宅年南嘉澤客發之類已採入旁證其與古  
異者如車家華邪之類亦頗附於末見其所由變者漸  
矣尙有於今不合古無可附者亦皆其時之音也注者

悉謂之叶無乃寃乎故楚騷漢賦無論姑舉其近者

札讀節也古與顏陸本非相師

古詩客從遠方來還我一書札上言長相思下言久  
離別顏延之贈王太常豫往誠歡歇悲來非樂闕屬  
美謝繁翰遙懷具短札 陸厥答內兄書記旣翩翩  
賦歌能妙絕相如慙温麗子雲慙筆札

霞讀何也曹與陸謝亦非相襲

曹植洛神賦遠而望之皎若太陽升朝霞迫而察之  
灼若芙蕖出淥波 陸機前緩聲歌太容揮高絃洪

崖發清歌獻酬既已周經舉乘紫霞 謝琨遊西池  
迴阡被陵闕高臺眺飛霞惠風蕩繁囿白雲屯會阿  
閉讀鼈也則潘顏之作可徵

潘岳西征賦臧札飄其高厲委曹吳而成節何莊武  
之無恥徒利開而義閉 顏延之贈王太常側同幽  
人居郊扉常晝閉林閭時晏開亟迴長者轍

謳讀區也則曹陸之辭可據

曹植贈丁翼秦箏發西氣齊瑟揚東謳肴來不虛歸  
觴至反無餘 陸機吳趨行楚妃且勿歎齊娥且莫

謳四坐竝清聽聽我歌吳趨

岳讀獄也陸與司馬不約而同

司馬彪贈山濤茗茗倚桐樹寄生於南岳上凌青雲  
霓下臨千仞谷 陸機贈弟指途悲有餘臨觴歡不  
足我若西流水子爲東時岳

袂讀決也沈與江淹匪期而合

沈炯歸魂賦矧今古之悲涼並攢心而沾袂渡狹嶺  
之欹危跨清津之幽絕 江淹雜詩芳塵未歇席零  
淚猶在袂停艫望極浦弭棹阻風雪



或讀緇爲止或讀沒爲滅

陸機爲顧彥先贈婦辭家遠行游悠悠三千里京洛  
多風塵素衣化爲緇 謝靈運游赤石首夏猶清和  
芳草亦未歇水宿淹晨暮陰霞屢興沒

或讀開爲虧或讀蔽爲別

謝惠連擣衣盈篋自余手幽絀候君開腰帶準疇昔  
不知今是非 江淹雜詩乳竇旣滴瀝丹井復寥泚  
岳寧轉奇秀岑峯還相蔽

或讀霸爲布或讀惜爲削

韋孟諷諫興國救顛孰違悔過追思黃髮秦繆以霸

曹植贈丁儀思慕延陵子寶劍非所惜子其寧爾

心親交義不薄

或讀橫爲黃或讀壁爲博

曹植贈白馬王大谷何寥廓山樹鬱蒼蒼霖雨泥我  
途流潦浩縱橫 江淹雜詩君王禮英賢不恡千金

壁雙闕指馳道朱宮羅第宅

宅音鐸

或讀灑爲洗或讀扇爲羶

謝朓始出尙書省中區咸已泰輕生諒昭灑趨事辭

宮闕載筆陪旌榮 東哲補亡詩四時遞謝八風代  
扇繼阿案晷星變其躔

或讀蛻爲泄或讀淺爲干

郭璞遊仙詩吐納致真和一朝忽靈蛻飄然凌太清  
恥爾景長滅 沈約早發定山歸海流漫漫出浦水  
淺淺野棠開未落山櫻發欲然

或讀寐爲蜜或讀籍爲酌

江淹雜詩明月入綺窗髣髴想蕙質銷憂非萱草永  
懷寧夢寐 左思詠史四賢豈不偉遺烈光篇籍當

其未遇時憂在填溝壑

或讀葩爲坡或讀石爲芍

陸機吳趨行大皇自富春矯手頓世羅邦彥應運興  
粲若春林葩 何邵遊仙詩揚志青雲際流日矚巖  
石羨昔王子喬友道發伊洛

或讀窗爲聰或讀肅爲瑟

謝靈運田南詩激澗代汲井插槿當列墉羣木旣羅  
戶衆山亦對窗 陸機赴洛羈旅遠遊宦託身承華  
側撫劍遵銅輦振纓盡祇肅

或讀淮爲熙或讀昧爲蔑

顏延之和靈運惜無爵雉化何用克海淮去國還故

里迷門樹蓬萊 鮑昭代君子有所思器惡含滿歆

物忌厚生沒智哉衆多士服理辨昭昧沒音見前

或讀頭爲徒或讀溘爲漸

陌上桑東方千餘騎夫婿居上頭何用識夫婿白馬

從驪駒 江淹雜詩身名竟誰辨圖史終磨滅且泛

桂水潮映月游海滢

或讀蹠爲軒或讀戾爲裂

曹植名都篇我歸晏平樂美酒斗十千膾鯁胎鰕  
寒鼈炙熊蹠 潘岳西征賦信此心也庶免夫戾如  
其禮樂以俟來哲

或讀掃爲暑或讀播爲皤

張載七哀蒙籠荆棘生蹊逕登童豎狐兔窟其中蕪

穢不復掃 劉琨答盧諶威之不建禍延凶播忠隕

于國孝愆于家家音歌

或讀串爲慣或讀蟠爲波

謝惠連秋懷各勉元髮歡無貽白首歎因歌遂成賦

言言  
聊用布親串 陸雲贈鄭曼季所謂伊人在谷之阿  
虎質山嘯龍輝淵蟠

又晉今讀進彼讀薦使非當時之音陸氏兄弟乃以國  
他叶可乎

陸機贈馮文罷於皇聖世時文惟晉受命自天奄有  
黎獻 陸雲登臺賦長發惟祥天鑒在晉肅有命而  
龍飛兮跼重斯而肇建

故讀六朝必考六朝之音由此而上可知也不然同乎  
我者謂聲之諧異乎我者謂韻之叶以一地概四方以

一時槩千古將使文字聲律渙判支離而靡有畫一豈  
所貴於誦讀哉

愚編旁證采易獨詳以時世近而聲音同也如天如  
行如慶如明凡五十餘字悉載之首矣此實周代之  
音非叶也歷數彖象行凡三十有二明凡一十有四  
慶凡一十有二無不同音者又如當字詩無所附六  
十四卦位當不當凡二十有六皆讀平聲決其爲古  
音無疑也已沈括云慶古人協韻也宜音羗諸儒遽  
以爲然故註詩者一則曰叶再則曰叶近有易書於

當字注云本去叶平亦襲沈括之說也夫後世如淮  
西之碑聖德之頌說者謂間用叶音以摹古耳孔子  
何慕乎乃其贊易字無正音而一取諸叶胡爲者也  
且叶或一二用三四用多矣五六用至多矣蔓衍數  
十更無一不叶又何爲者也故注者云慶古本讀羌  
而今讀磬當古本讀璫而今讀蕩庶得之矣胡爲以  
今之讀爲正而以古之正爲叶也是以楷書爲正字  
篆隸爲模楷而作矣顛倒古今反覆倫類莫此爲甚  
也可乎不可乎倡自一人天下羣而和之誤自一世

後世躋而從之智者不敢生疑賢者不敢致詰若安  
之爲固然遵之爲謨訓者九原可作不啞然笑乎夫  
乾坤毀而不易者道也時地易而轉移者聲也故生  
齊則齊言矣生楚則楚言矣使聖人而生於後世有  
不讀服爲復讀華爲花讀慶當以去聲乎然溯流窮  
源必有說心研慮而異乎世者此同異之準也禮曰  
醴酒之用元酒之尙割刀之用鸞刀之貴莞簟之安  
而藁鞞之設此所謂反本修古不忘其初者也故磬  
蕩之讀而羌璫之知服華之從而逼敷之辨楷書之

用而篆隸之考亦不忘古初意也若徇習俗而昧古  
昔是未說而忘先民豈所貴于豪傑之士乎將六藝  
六書之教荒矣嗟夫聖人之道心術內也形器外也  
精神深也聲音淺也唐宋名儒匡坐而談瞑目而證  
皆自謂聖人之元解矣其弟子和之亦曰吾師得聖  
人之元解也然皓首窮經曾音響節奏之未辨如精  
神心術何故自謂其元解者沈括釋音之類也弟子  
和之者亦從沈括者之類也宇宙寥寥此道墜地久  
矣惟我太祖皇陵碑之作鈔契古音如行讀杭喪讀

桑悵讀昌壤攘俱讀穰量讀梁相讀湘創讀倉慷讀  
康尙讀常亢讀岡幢讀牀仰讀昂響讀香粹乎詩易  
之韻也聖謨宏偉千聖之精神心術如在草莽之臣  
豈能揄揚之哉

讀詩拙言 終

番禺孟鴻光校

